



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK



---

*Vogošća, ul. Jošanička br. 80, tel: 00387 33 586-411*

## **P R A V I L N I K**

### **ZA DODJELU NOVČANIH POTICAJA ZA KUPOVINU PRIHRANE ZA PČELE**

Vogošća, juli 2026. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09) i čl. 71. i 125. Statuta Općine Vogošća „Službene novine Kantona Sarajevo“, broj 27/14 - Prečišćeni tekst, 14/15, 9/20 i 23/24 ), člana 16. Odluke o izvršavanju Budžeta Općine Vogošće za 2026. godinu („Službene novine Kantona Sarajevo“, broj 2/26) i Odluka onačinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine broj: 02-02-575/25 od 15.04.2025. godine, Općinski načelnik donosi:

## **PRAVILNIK ZA DODJELU NOVČANIH POTICAJA ZA KUPOVINU PRIHRANE ZA PČELE**

### **I OPĆE ODREDBE**

#### **Član 1. (Predmet)**

Ovim Pravilnikom se uređuju uslovi i postupak za dodjelu novčanih poticaja za kupovinu prihrane za pčele, a koja su planirana u Budžetu Općine Vogošća (u daljem tekstu: Općina).

#### **Član 2. (Namjena korištenja sredstava)**

Planirana finansijska sredstva, u skladu sa ovim Pravilnikom namijenjena su isključivo za kupovinu prihrane za pčele.

#### **Član 3. (Rodno značenje izraza)**

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

### **II USLOVI I NAČIN DODJELE SREDSTVA**

#### **Član 4. (Uslovi za ostvarivanje prava)**

Pravo na dodjelu novčanih poticaja za kupovinu prihrane za pčele mogu ostvariti kandidati pod sljedećim uslovima:

- a) da imaju prebivalište na području općine Vogošća,
- b) da je podnosilac zahtjeva upisan u Registar pčelara kod nadležne općinske Službe, da je izvršeno ažuriranje podataka u tekućoj godini i da posjeduje najmanje 5 košnica pčela,
- c) da se pčelinjak nalazi na teritoriji općine Vogošća,
- d) da podnosilac zahtjeva ima potvrdu o provedenim obavezanim mjerama izdatu od strane nadležne veterinarske organizacije,
- e) da podnosilac zahtjeva posjeduje račune o kupljenoj prihrani za pčele (obavezan originalni fiskalni račun izdat u tekućoj godini).

## **Član 5.**

### **(Javni poziv)**

- (1) Sredstva za podršku aktivnostima iz člana 1. ovog Pravilnika dodjeljivat će se na osnovu podnesenih zahtjeva, a u skladu sa objavljenim javnim pozivom.
- (2) Javni poziv se objavljuje na web stranici Općine i ostaje otvoren 15 dana od dana objavljivanja.
- (3) Zahtjevi za sufinansiranje dostavljaju se službi nadležnoj za oblast poljoprivrede (u daljem tekstu: Služba) preporučeno putem pošte ili putem protokola.

## **Član 6.**

### **(Podnošenje potrebne dokumentacije)**

Kandidat koji želi ostvariti pravo na refundaciju troškova za nabavku prihrane za pčele dužan je dostaviti dokumentaciju kojom dokazuje ispunjavanje uslova, u originalu ili ovjerenim kopijama, i to:

- a) Zahtjev za dodjelu sredstava (potpisan od podnosioca);
- b) Potvrda o upisu u Registar pčelara izdati u tekućoj godini za koju se aplicira;
- c) Dokaz o vlasništvu nad parcelom na kojoj je smješten pčelinjak (ZK izvadak, Posjedovni listi, Ugovor o korištenju zemljišta bez naknade i dr.),
- d) Dokaz o provedenim obaveznim mjerama izdatu od strane nadležne veterinarske organizacije
- e) Dokaz o kupovini prihrane za pčele, (obavezan originalni fiskalni račun izdat u tekućoj godini),
- f) Potvrda o otvorenom računu kod banke,
- g) Ukoliko se radi o registrovanim poljoprivrednim proizvođačima dokaz o registraciji subjekta,
- h) Izjava o davanju saglasnosti za obradu ličnih podataka.

## **Član 7.**

### **(Način provođenja postupka)**

- (1) Ocjenu prijava vršit će nadležna općinska Služba, i utvrditi listu korisnika u skladu sa raspoloživim budžetskim sredstvima planiranim za ove namjene.
- (2) Konačnu listu korisnika na prijedlog Službe donosi Općinski načelnik.
- (3) Korisnici će biti obavješteni o rezultatima javnog poziva u roku od 30 dana od dana zatvaranja istog.
- (4) Nakon obrade prijava i formiranja konačne liste korisnika, odobrena sredstva će biti uplaćena na račune korisnika putem nadležne Službe za finansije.
- (5) Kandidati koji ne ostvare novčani poticaj će biti obaviješteni pismenim putem.

### **III FINANSIRANJE**

#### **Član 8. (Iznos sredstava)**

- (1) Iznos novčane podrške za kupovinu prihrane za pčele će biti utvrđen shodno visini raspoloživog Budžeta namjenjenog za ovaj projekat.

### **IV ZAVRŠNE ODREDBE**

#### **Član 9.**

Ovaj Pravilnik stupa na snagu narednog dana od dana objave na Oglasnoj ploči i web stranici Općine Vogošća.

**OPĆINSKI NAČELNIK  
Migdad Hasanović**

Broj: 03-20-1415 /26  
Vogošća, 09.07.2026. godine

## Obrazloženje

### I Pravni osnov

Pravni osnov za donošenje ove Pravilnika je:

- član 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09) kojim je definisana nadležnost Općinskog načelnika za donošenje akata iz nadležnosti jedinica lokalne samouprave.
- 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je određena nadležnost Općinskog načelnika za donošenje pojedinačnih i općih akata iz samoupravnog djelokruga općine.
- Odluka o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine broj: 02-02-575/25 od 15.04.2025. godine .

### II Razlozi donošenja

Poljoprivredna proizvodnja predstavlja jednu od ključnih privrednih grana koja osigurava prehrambenu sigurnost, doprinosi ekonomskom razvoju i očuvanju ruralnih područja.

Pčelarstvo ima značajnu ulogu u poljoprivrednoj proizvodnji.

Zbog nepovoljnih uslova, smanjene paše i nedostatka prirodnih izvora hrane , neophodno je pružiti podršku pčelarima radi očuvanja pčelinjih društava i održivosti pčelarske proizvodnje.

Zbog navedenog pristupilo se izradi ovog Pravilnika.

### III Obrazloženje predloženih rješenja

Član 1. definiše predmet regulisanja Pravilnika;

Članom 2. definiše namjenu korištenja;

Član 3. utvrđuje rodno značenje izraza;

Član 4. propisuje uslove za ostvarivanje prava.

Član 5. Propisuje obavezu raspisivanja javnog poziva;

Član 6. definiše potrebnu dokumentaciju;

Član 7. Definiše način provođenja postupka;

Članom 8. Definiše iznose sredstva;

Članom 9. utvrđuje način stupanja na snagu ovog Pravilnika:

### III Finansijska sredstva

Sredstva za sufinansiranje kupovine prihrane za pčele obezbijedit će se u Budžetu Općine Vogošća.

Akt pripremila:

Razija Sipović\_\_\_\_\_

Akt kontrolisala:

Jsmine Fazlić\_\_\_\_\_

Akt odobrila:

Jasmina Fazlić\_\_\_\_\_

